


醫籍攷

卷七十七十一
方論四十八四十九

武
2
35



武
2
35



醫籍考卷七十

東都 丹波元胤紹翁 編

方論四十八

亡名氏金創癰瘰方

漢志三十卷

佚

服虔曰音瘳引之瘳

顏師古曰小兒病也瘳音允制及癰音子用反

華氏他外科方

醫藏目錄卷闕

未見

劉氏消子鬼遺方

新唐志作男方宋志作鬼論並訛

隋志十卷

闕

隋志註曰龔慶宣撰

龔慶宣序曰昔劉涓子嘗求於丹陽郊外照射忽見一物高二丈許射而中之如雷電聲若風雨其夜不敢前追詰直率門徒子弟數人尋蹤至山下見一小兒提罐問何往為我主被劉涓子所射取水洗瘡而問小兒曰主人是誰人云黃父鬼仍將小兒相隨還來至門聞搗藥之聲比及遙見三人一

人開書一人搗藥一人卧爾乃齊唱叫突三人並走遺一卷癰疽方並藥一曰時從宋武北征有被創者以藥塗之即愈論者云聖人所作天必助之以此天授武帝也涓子用方為

治十無一失演為十卷號曰鬼遺方

舊脫演為以下九字今據太平御覽訂補

適余從叔祖涓子寄師書具叙此事并方一卷方是丹陽薄紙本寫今手跡尚存從家世能為治方我而不傳其孫道慶與余隣居情款異常臨終見語家有神方兒子幼稚苟非其人道不虛行尋卷診候兼辨藥性欲以相傳屬余既好方術受而不辭自得此方於今五載所治皆愈可謂天下神驗劉氏昔寄龔方故草寫多無次第今輒定其前後族類相從為

此一部流布鄉曲有識之士幸以自防齊永元元年大歲己卯五月五日撰

龔道慶曰王祖母劉氏有此鬼方一部道慶祖考相承謹按處治萬無一失舅祖涓子兄弟自寫稱云無紙而用丹陽錄永和十九年資財不薄豈復無紙是以別之耳顧修曰永和祇十二年且

去宋武甚遠疑元嘉之訛

宋書宗室傳曰遵考父涓子彭城內史

錢曾曰劉涓子鬼遺方五卷劉涓子不知何許人晉末於丹陽郊外射中一物云云是書極為奇秘收藏家罕見之別有劉涓子治癰疽神仙遺論一卷與此同是宋鈔皆宜別錄副

本備之

神仙遺論

宋志十卷

闕

陳振孫曰劉涓子神仙遺論十卷東蜀刺史李頔錄按中興書目引崇文總目云宋龔道慶宣撰劉涓子者晉末人於丹陽縣得鬼遺方一卷皆治癰疽之法慶宣得而次第之今按唐志有龔道慶宣劉涓子男方十卷未知即此書否卷或一板或止數行名爲十卷實不多也

甘氏濬之癰疽部黨雜病疾源

隋志三卷

佚

療癰疽金創要方

隋志十四卷

佚

療癰疽毒惋雜病方

隋志三卷

佚

甘氏伯齊療癰疽金創方

隋志十五卷

唐志作十二卷

佚

亡名氏癰疽論方

隋志一卷

佚

療癰經

隋志一卷

佚

療三十六癰方

隋志一卷

佚

秦氏政應療癰疽諸瘡方

隋志二卷

佚

喻氏義纂療癰疽要訣宋志作廣癰疽要訣

唐志一卷

佚

瘡腫論

唐志一卷

佚

鄭樵曰唐西州節度史藉喻義撰

錢侗曰崇文總目瘡腫論一卷喻義撰侗按通志畧作藉喻義撰誤也

按千金方癰疽門五香連翹湯註曰要籍喻義有黃耆甘草芒消各六分據此藝文畧史藉二字當作要籍蓋係官衙唐書百官志曰節度使府院法直官要籍逐要親事各一人又藝文志有江承宗刪繁藥詠三卷註鳳翔節度要籍可以證焉

沈氏秦之癰疽論

唐志二卷

佚

蘭道者仙授理傷續斷方

四卷

存

亡名氏序曰此方乃唐會昌間有一頭陀結草庵于宜春之
鍾村貌甚古年百四五十歲買數畝墾畚種粟以自給村氓
有彭叟者常常往來其廬顏情甚稔或助之耕一日彭之子
升木伐條誤墜於地折頸挫肱呻吟不絕彭訴于道人道人
請視之命買數品藥親製以餌俄而痛定數日已如平時始
知道人能醫求者益衆道人亦厭之乃取方授彭使自製以
應求者且誓之以無苟取毋輕售毋傳非人由是言治損者

宗彭氏彭叟之初識道人三十許今老矣然風采無異前時
問其姓名曰蘭道者問其氏曰長安人也始道人閉門不通
人事人亦少至惟一鄧先生每春晴秋爽携稚過之必載酒
殺從焉道人懸一柳瓢壁間鄧至則取瓢更酌彭或遇之亦
酌二人皆談笑竟晷醉則高歌其詞曰經世學經世學成無
用著山中樂山中樂土堪耕鑿癭瓢有酒同君酌醉臥草廬
誰喚覺松陰忽聽雙鳩鶴起來日出穿林薄彭踏朴不知所
言爲何惟熟聽其歌亦得其腔每歸對人歌之人亦不省居
久鄧先生不至彭問道人道人道云已仙去彭卒不悟後江西
觀察使行部至袁州聞彭所歌異之詰其詞得道人姓氏遂

遣人同彭叟至其廬邀之至則行矣惟瓢存焉廉大以為恨
謂彭得其治損諸方因易其村曰鞏道人有書數篇所授者
特其最後一卷云

亡名氏癰疽論

崇文總目三卷

佚

釋氏智宣發背論

崇文總目一卷

佚

白氏岑發背論

崇文總目十卷 通志畧宋志作一卷

佚

李肇曰白岑嘗遇異人傳發背方其驗十全岑賣弄以求利
後為淮南小節度使高適脅取其方然終不甚効岑至九江
為虎所食驛吏收其囊中乃得真本太原王曰升之寫以傳布
國史補

釋波利譯吞字貼腫方 通志畧作唐波馳波利奉詔譯

崇文總目一卷

佚

亡名氏癰瘰方

崇文總目一卷

佚

療小兒丹法

通志畧一卷

佚

邢氏元朴癰疽論

宋志註邢一作郝

宋志一卷

佚

徐氏夢符外科灸法論粹新書

宋志一卷

佚

王氏遠經効癰疽方

宋志一卷

佚

自序曰元祐三年夏四月官京師疽發於背召國醫治之逾月勢益甚得徐州蕭縣人張生以艾火加瘡上自旦及暮凡一百五十壯知痛乃已明日鑷去黑痂膿血盡潰膚理皆紅亦不復痛始別以藥傳之日一易為易時旋剪去黑爛惡肉月許瘡乃平是歲秋夏間京師士大夫病疽者七人余獨生此雖司命事然固有料理不知其方遂至不幸者以人意論

之可為慨然於是撰次前後所得方摸版以施庶幾古人濟衆之意紹聖三年三月日題本事方

胡氏權治癰疽膿毒方

宋志一卷

佚

史氏源治背瘡方

宋志一卷

佚

史源序曰源幼時學舉業全不知醫藥甲戌年自大學歸省國醫常頴士器之適在府下求為母氏一診云有蓄熱必渴

時母子不引飲略喜水又云但防作瘡覺瘡便著艾于上熱

盛則五花灸之

謂中及四旁隨赤到處灸非方傳也

切記至辛巳年六月望日

母氏忽言背胛間微痒視之有赤半寸許方有白粒如黍粟

記器之言乃急著艾其赤隨消故二七壯而止信宿復覺微

痛視之有赤下流長二寸闊如韭菜舉家不悉皆以前灸為

悔親戚交謫謂赤熱如何用火有詆器之者遂呼外醫用膏

藥覆之益引一日夜增一暈至二十二日衡斜約六七寸痛

楚不勝間一呻吟聽之心碎蒼忙詢告或云等慈寺尼知全

者前病瘡甚大得炎而愈奔問之全云劇時昏不知但小師

輩言范八奉議

忠宣之子

守定灸八百餘壯方甦約艾一節爾亟

歸白之見從始以銀杏作炷其上十數殊不覺乃截四旁亦引其炷減四之三皆覺痛七壯後覺痒每一壯燼則亦隨縮入灸至三十餘壯赤暈收退病者信遂以艾作團梅杏大灸其上漸加至雞黃大約四十團方覺痛視火焦處已寸餘蓋灸之遲而初發處肉已壞壞肉盛隔至好肉方痛爾四旁知痛者肉未壞也又有言一潘殿直居城南施瘡藥每效源卽再拜邀講時已燠黑火炊滿背潘以手離瘡五六寸許試之云瘡高阜而熱不妨且云怕不高而熱氣少者病者食粥訖安寢前此六至曉示之瘡如覆一甌突然高三四寸上有百數小竅色正黑以千金所說與潘氏高阜之言求之突然高者毒氣出外

而聚也百數小竅者毒未聚而浮攻肌膚也色正黑者皮與肉俱壞也非艾火出其毒於壞肉之裏則五藏逼矣至是方悟明堂圖與烟蘿子所畫五藏在背如懸挂然今毒行分肉間待其外穿潰則內虛外實虛則易入實難出較然可見而聽庸醫用尋常赤腫敷貼涼冷藥以消散之此借寇兵也源痛自答爲人子不曉醫藥致親疾危甚荷神明扶佑於蒼茫間問知艾力已危而獲安顧何以報神明之德唯詳具灸效及以名醫所論長者所教體常治療將養避忌之法盡告後來庶以推廣聖賢垂濟之意警發人子之用心少謝母氏獨獲更生之幸云壬午上元日潁昌史源序

定齋居士五痔方

宋志一卷

佚

宋氏霖丹毒備急方

宋志三卷

佚

李氏闕名癰疽方

宋志一卷

佚

亡名氏治發背惡瘡內補方

宋志一卷

佚

亡名氏衛濟寶書

宋志一卷

未見

陳振孫曰衛濟寶書一卷稱東軒居士不著名氏治癰疽方也

四庫全書提要曰衛濟寶書二卷舊本題東軒居士撰不著名氏陳振孫書錄解題宋史藝文志皆列其目為一卷世間久無傳本惟永樂大典內尚有其文並原序一篇稱予家藏

癰疽方論二十二篇圖證悉具可傳無窮故記之曰家傳術
濟賢書序中具述方論之所自來而復言憑文註解片言隻
字皆不妄殺云云然則是書所載本以經驗舊方裒輯成帙
惟中間註語乃東軒居士所增入耳又別有董璉序一篇紀
其得此書於妻家汪氏始末中有乾道紀年知東軒居士尚
當爲孝宗以前人特其姓名終不可考至徐文禮不過校正
刊行而所作後序亦有舉諸家治法集成一書之語乃當時
坊本售名欺世之陋習不足信也其書首列論治諸條皆設
爲問答之詞原序以爲傳之不老山高先生其說頗荒誕不
可稽而剖析精微深中奧妙實非有所師授者不能其後臚

列諸方附以圖說於藥物之修製針灸之利害抉摘無遺多
後來醫流所未見謹因其舊文掇拾排比析爲上下二卷著
之於錄以備醫家之一種其乳癰軟疔二門則別系之卷末
俾各從其類焉

李氏迅集驗背疽方

書錄解題一卷

未見

李迅序曰耕當問農織當問婢業之貴乎專門固也苟得於
口耳道聽古人所不取余自上世本以儒術名家取科第與
鄉薦代不乏人今猶未艾於醫方特寓意於其間志在濟人

而已他無苟為其視徒廣於收方每有所得靳而不與人者
心實病之允士大夫家傳名方每喜於更相傳授至於醫生
術士或有所長賂以重賄幸而得之則必試而用之心知其
經驗有因病來叩隨證贈方一無吝色行之無倦繼志述事
今歷二世獨背疽之疾世醫以為奇疾望風斂手於是允盡
心焉始則試之田夫野人中則用之富家巨室久而獻之貴
官達官有如印券契鑰之驗屢欲編集以貽後人愧非專門
而止茲因賢士大夫適爾過聽諄諄下問欲廣其傳乃退而
敬嘆其存心之良高出收方之士數百等用是不敢固辭取
平昔所用經驗之方從而編次明辨其證候詳論其顛末與

夫用藥之先後修合之精粗病者之調攝飲食居所之戒忌
靡所不載自知鄙俚而繁贅然以口授心傳之術而寄於筆
端一或不詳且盡因致錯誤則性命所繫陰譴之報其誰尸
之故不耻而為之撰集用藥之際更宜謹思之明辨之官遊
四方聞見益廣續得名方因風教告以警不逮豈特愚之素
志實君子聞善相告之意也慶元歲在癸卯執徐律中太呂
中斡日遂江李迅嗣立書

外科精要

陳振孫曰李氏集驗背疽方一卷泉江李迅嗣立撰凡五十
二條其論議詳盡曲當

四庫全書提要曰集驗背疽方一卷宋李迅撰迅字嗣立泉

州人官大理評事以醫著名此書見於陳振孫書錄解題稱所集凡五十三條其議論詳盡曲當馬端臨經籍考亦著於錄而題作李逸撰與書錄解題不合今案此書前有郭應祥序亦云嗣立名迅則通考誤也背疽為患至鉅俗醫剽竊一二冊方或妄施刀針而於受病之源發病之形及夫用藥次第節宣禁忌之所宜俱置不講故大闕者十恒八九今迅所撰於集方之前俱系以論說凡診候之虛實治療之節度無不斟酌輕重辨析毫芒使讀者瞭如指掌中如五香連翹湯內補十宣散加料十全湯加減八味丸立效散之類皆醇粹無疵足稱良劑至忍冬丸與治乳癰發背神方皆祇金銀花一

味用藥易而收功多於窮鄉僻壤難以覓醫或貧家無力服藥者尤為有益洵瘍科中之善本矣謹從永樂大典中採掇裒訂仍為一卷其麥飯石膏及神異膏二方諸方中最神妙者而永樂大典乃偶佚之今據蘇沈良方及危亦林得効方補入又赤水元珠亦載有神異膏方與得効方稍有不同今竝列之以備參考焉

按查文獻通考亦作李迅其誤作李逸者見于國史經籍志提要說失考

伍氏起予外科新書

舊作起子訛

宋志一卷

佚

鄒應龍序曰大抵癰疽發于背者至危殆之疾也多至不救者夫豈皆命也哉然有法可活非膏塗未傳之能愈初覺便從頭上作艾炷宜泄蘊毒使毒氣亟奪而無內蝕之患惟頭及頸則否此更生法也灼艾之外則又有奇方存起予平昔屢用屢效實不敢私以廣其傳開禧丁卯十月旦日江南西路提刑鄒應龍為之序跋刊于章貢外科精要

佚

按右見于朱氏集驗方

張氏九蹈外科保安要用方

宋志五卷書錄解題作三卷

佚

陳振孫曰外科保安方三卷知興化軍毫社張九蹈家藏方龔參政茂良劉太史夙為之序跋

亡名氏五發方論

書錄解題一卷

佚

陳振孫曰五發方論一卷不知名氏亦吳晦父所錄

李氏世英癰疽辨疑論

二卷

存

史彌忠序曰余嘗觀隋大業中巢元方等著諸病源候論其論癰疽諸證固多本於古書但能定人以必死之期而未嘗示人以救死之方然則此書流傳於世見之者毛骨竦立而已果何益乎近時陳無擇三因方盛行所謂病有三因者實原於金匱要略非臆說也其爲癰疽叙論謂陰滯於陽則發癰陽滯於陰則發疽而此二毒發無定處常以脈別之浮洪滑數則爲陽微沈緩瀼則爲陰陰則熱治陽則冷治可謂明白簡易矣然考其所用之方則不能無疑如乳香連翹與漏

蘆二湯及洪丞相所序內補散固已明言不可守此一法而普攻之矣但謂內因則用遠志外因則用大黃不內外因則用甘草所謂陰則熱治者初未嘗有方及之後雖有內塞散一方亦用附子但施之於熱退膿血不止之時非是用於其疾興作之際則夫熱治之說竟成泯然而無傳可乎余弟定叔得此疾於積年愚渴之後不數日間腫大如杯勢極可慮不敢輕用外科父子兄弟相與爲謀惟有李君太醫老成更練可付茲事亟致禮招之至則診其脈察其證遽舉手相賀曰此陰病也見得甚明無庸過憂但用多備雄附等料耳暨服其藥數日病者大覺煩躁且索水水沃手盥漸至呼諸子

來前而誥李君曰汝以附子殺我我死兒輩恐不從汝取償
吾命乎李君但笑而唯唯不得已而應之曰今夜迺住此藥退
而語諸子曰今正是服附子時舍則無藥可進况病人飲食
精神皆不失常瘡潰而膿如湧泉皆善證也非服附子之功
而何但用附子稍雜以他劑而進之使不能別其氣味斯可
矣諸子如其言遂收全功病涉數月用附子逾三百之數皆
余所目擊向使李君初無定見終無定力顧不殆哉余於此
尤惜陳無擇三因方證治未及處熱治之方也李君世攻外
科壯歲從古縮陸從老學指下明徹如洞見肺腑用藥親切
如射必中的晚歲遂為吾鄉獨步一日與余言今老矣且憚

於出入然醫書之備莫盛於今日學者儻能按圖而索烏十
豈不能得其五六但癰疽一證實為至危之疾乃絕無所謂
熱治之方後學何所考據况近世有不幸而罹此疾者多發
於陰如憂慮鬱結色慾過度陽氣衰弱榮衛不調非陰類乎
某輒犯不韙著辨疑論仍以常用既效之方具述于後因欲
命工刻梓以廣其傳幸不靳一語與之即可則其為不費之
惠夫豈淺淺彌忠當不文辭而此論不必以文而行遠於是
乎書淳祐壬寅季秋既望端明殿學士金紫光祿大夫
致仕史彌忠序

李世英跋曰僕年過縱心歷醫五十餘載耳聞目見受此病

者十中僅有三二可保其生緣此病有陰陽緩急之異蓋醫者不決使病者惶怖世英僅將家傳積世秘效之方書參考古今諸家之論并親承前輩諸老先生指證之教編成一帙命曰癱疽辨疑論其實只欲辨明陰陽之疑惑次用藥劑之輕重非敢為贅言也更望四方高明之士洞燭此書或恐語未能盡善悉為攷證庶得旨要諦當欲廣流傳深願家家盡曉人人自會或城邑市井猶可命醫或道途阻深山大澤忽感此疾倉卒之間命醫未及但將此書詳覽先別陰陽隨證施治庶不敢陰陽錯繆舉獲康寧為利益小補哉時大歲壬寅淳祐二年仲冬晦日雪巖李世英少頴書

醫國子心傳卷
六云外科精要書
惟務紀錄舊方
應酬輕小證候
耳

陳氏自明 外科精要
醫藏目錄三卷
存

陳自明序曰凡癱疽之疾比他病最酷聖人推為雜病之先自古雖有瘍醫一科及鬼遺等論後人不能深究於是方論沒轉亦迷塗今鄉井多是下甲人專攻此科然治此疾又多富貴者內經云大凡癱瘡多生於膏粱之人僕家世大方暇每見沾此疾者十存一二蓋醫者少有精妙能究方論者間讀其書又不能探賾索隱及至臨病之際倉卒之間無非對病閱方遍試諸藥况能療癱疽持補割理折傷攻牙療痔

多是庸俗不通文理之人一見文繁即便厭棄病家又執方論以詰難之遂使醫者鼯鼠技窮中心惶惑當下不下悠悠弗決遷延日久遂令輕者重重者死又多見生疽之人偽諱者衆不喜人言是癰疽發疾但喜云只是小小癰毒而已及至孔洪遂致不救又有病家猜鄙吝其所費浩翰不肯請明了之醫而甘心委命於庸俗之手或有醫者用心不臧貪人財利不肯便投的當伐病之劑惟恐效速而無所得是禍不極則功不大矣又有確執一二藥方而全無變通者又有當先用而後下者當後下而先用者

多見一得疾之初便令多服排膿內神十宣散而反增其疾此藥是破後排膿內補之藥而洪內翰未解用藥之意而妄爲序跋以誤天下後世者衆矣陳無擇云當在第四

節用之是也又有得一二方子以爲秘傳惟恐人知之穹貴之人不見藥味而不肯信服者多矣又有自知衆人嘗用已效之方而改易其名而爲秘方或妄增藥味以惑衆聽而返無效者亦多矣此等之徒皆含靈之巨賊何足相尚又有道聽塗說之人遠來問病自逞了了詐作明能談說異端或云是虛或云是實出示一方力言竒效奏於某處此等之人皆是真諛其實皆未曾經歷一病初無寸長病家無主易於搖惑欲於速效又喜不費資財更不待醫者商議可服不可服即欲投之倏然至禍各自走散古人云貧無達士將金贈病有閭人說藥方此世之通患歷代不能革凡癰疽之疾真如草寇

不守法律出意凶暴待之稍寬殺人縱火無可疑者凡療斯疾不可以禮法待之仍要便服一二緊要經效之藥把定臟腑外施鍼灸以泄毒氣其勢稍定却乃詳觀方論或命醫者詳察定名是癰是疽是虛是實是冷是熱或重或輕對證用藥無失先後次序病者不必憂惶醫者確執已見不可妄立名色惶惶惑亂收效必矣如近代名醫李嗣立伍起予曾字先輩編集上古得效方論要訣愚因暇日採摭群書自立要領或先或後不失次序其中重複繁文者削之取其言簡意盡綱領節目整然不紊庶幾覽者如指諸掌雖不能盡聖人之萬一使臨病之際便有所主毋致渴而穿井鬪而鑄兵者乎

昔景定癸亥孟秋寶唐習醫陳自明良甫序

朱氏震亨 外科精要發揮

佚

按右見于宋瀛丹溪朱公石表

熊氏宗立 外科精要附遺

三卷

存

薛氏已校註外科精要

三卷

存

薛已序曰外科蓋指瘡瘍門言也上古無外科專名實昉於
季世後人遂因而分內外為二科茲外科廼宋陳良甫先生
所著雖以瘍科名其書而其治法固多合外內之道如作渴
泄瀉灸法等論誠有以發內經之微旨殆且古今所未嘗道
及者可傳之萬世而無弊也第其他所設方藥亦不無宜於
昔而不宜於今者非先生之術有未精要也良由今人所稟
遠不逮昔雖使先生至今存亦不得不因時而損益之矣余
於時自忘淺鄙漫做元本之所既備而未悉者斷以愚意而
折衷之仍其舊名釐為四卷其補錄一卷則出余管見同志
幸勿咎其僭而進其所未至焉嘉靖丁未春月吉日奉政

大夫太醫院使致仕吳郡薛已謹序

外科精要補

一卷

存

竇氏係瘡瘍經驗全書

醫藏目錄十二卷

存

申時行序曰宋有竇漢卿者以瘍醫行於慶曆祥符之間詔
治太子疾召入仁智殿下訊之未幾太子病愈輒嘉勞之封
為太師以國老稱遂命製諸方以弘濟寰海外內一時神其

術者咸知有竇氏瘍醫矣然其書之傳於世者分析種種繪圖定方具有法度信利人之妙術濟世之弘軌也我朝以來家有傳焉其方多驗裔孫楠續授太醫院醫士其子夢麟術業益工聲稱藉甚乃緝遺書重增經驗諸方梓以行世蓋邇漢卿為合肥人嘗遊江湖遇一至人而其術益神則醫業之精信非偶然者矣夢麟號仲泉今家常之無錫與華太學復陽游復陽為秋官補菴公之子比來京師備能道之

四庫全書提要曰瘡瘍經驗全書十三卷舊本題宋竇漢卿撰卷首署燕山竇漢卿而申時行序考宋藝文志不載此書僅有竇太師子午流注一卷亦不詳竇為何名疑其說出

於附會且其中治驗皆夢麟所自述或即夢麟私撰託之乃祖也國朝康熙丁酉歙人洪瞻巖重刊乃云得宋刻秘本校之殆亦虛詞

按竇傑金末人事履詳著于明堂經脈類申氏說妄甚

胡氏元慶癰疽神秘灸經

醫藏目錄一卷

存

楊子成序曰人具五藏之形而氣血之運必有以踈載之其流則曰歷曰循曰經曰至曰抵其交際則曰會曰過曰行曰達者槩又所謂十二經為十二經左右手足各備陰陽者三

陰右而陽左也。陽順施而陰逆施。以三陽言之。則太陽少陽陽明。則陽有太少也矣。而有陽明者。取陰陽合明之意也。以三陰言之。則太陰少陰厥陰。陰既有太少矣。又有厥陰者。取兩陰交會之義也。非徒經之有十二。又有系絡者。為系絡之數三百六十五。所以附經而行。週流不息。若陰陽維蹻衝帶六脈皆有所繫。惟任督二經。則包乎腹背。而有專穴。諸經滿而溢者。受之初不可常而忽。為宜與諸經並論。通考其穴三百五十又七。此人身之常遍也。既經血所滯。發而為癰疽。為疔癩。此皆氣血不能通之謂也。歷觀諸經傳變。不一是經之滯。當審何經所發。何穴所滯。辨視其穴。則用火以攻之。疎其

源流而無滯也。猶如溝渠塞其庭。水泛濫。今胡元慶先生深窮妙理。週遍玄微。遂緝十二經所滯之穴。毫端妙理。用以廣生民之福。同躋仁壽之域也。至正甲子。永昌楊子成序。

薛氏已癰疽神秘灸經校補

一卷

存

齊氏德之外科精義

國史經籍志二卷

存

齊德之曰。夫醫者人之司命也。厥者醫之大業也。蓋醫家苟

不明脈則如冥行索途動致顛覆矣夫大方脈婦人小兒風
科必先診脈後對證處藥獨瘡科之流多有不診其脈候專
攻治外或有證候疑難別招方脈診藥於瘡科之輩甘當淺
陋之名噫其小哉如是原夫瘡腫之生皆由陰陽不和血氣
凝滯若不診候何以知陰陽勇怯血氣聚散耶由是觀之則
須信療瘡腫於診候之道不可闕也歷觀古今治療瘡腫方
書甚多其間診候之法畧而未詳比夫諸科甚有滅裂愚雖
不才輒取黃帝素問難經靈樞甲乙及叔和仲景扁鵲華佗
千金外臺聖惠總錄古今名醫諸家方論之中診候瘡腫之
說簡編類次貫成篇帙首載診候入式之法次論血氣色脈

參應之源後明脈之名狀所主證候及瘡腫逆從之方庶使
為瘡腫科者覽此則判然可曉了無疑滯於胸次一朝臨疾
診候至此則察逆從決成敗若黑白之易分耳

四庫全書提要曰外科精義二卷元齊德之撰德之始未未
詳惟其結銜稱醫學博士充御藥院外科太醫是編先論後
方於瘡腫診候淺深虛實最為詳盡考周禮天官瘍醫掌
腫瘍潰瘍金瘍折瘍之祝藥劑殺之劑註曰劑謂刮去膿血
殺謂以藥食其惡肉又曰凡療瘍以五毒攻之註曰今醫方
有五毒之藥合黃整置石膽丹砂雄黃礬石慈石其中燒之
三日三夜其烟上著以雞羽掃取之以注惡肉破骨則盡出

又曰以五氣養之以五藥療之以五味節之註曰既劑殺而攻盡其宿肉乃養之也五氣當作五穀字之誤也節節成其藥之力云云是則古者瘍醫攻補兼施之明證後之瘍醫惟持攻毒之方治其外而不治內治其末而不治本故所失恒多德之此書務審病之所以然而量其陰陽強弱以施療故於瘍科之中最為善本書中無一字及李杲李杲平生亦不以外科者原本附東垣十書之末蓋坊刻雜合之本取以備十書之數與所載朱震亨書均為濫入孫一奎赤水玄珠引之竟稱東垣外科精義不考甚矣

滑氏壽痔瘻篇

佚

按右見于朱右撻寧生傳

醫籍考卷七十

醫籍考卷七十一

東都 丹波元胤紹翁 編

方論 四十九

亡名氏仙傳外科秘方 醫藏目錄 趙宜真撰

國史經籍志十一卷

未見

楊氏清叟外科集驗方

國史經籍志一卷

存

趙宜真序曰外科集驗方一帙廼水川楊清叟所編述以授

吳寧極寧極之子有本以授西平善觀李先生以授於宜真者其方簡要惜未版行故獨存之昨來遊金精福地道經粵都吾徒蕭天倪鳳岡本西昌望族自幼學道於紫陽觀廿載前嘗從予遊亦能召風雨濟旱澇蓋道緣深重履踐端恪之所致也其師弟劉致柔順川數年間徧身苦瘡癩服荊煎湯敗毒散諸藥俱不效予因以外科方授之用返魂湯未終劑而愈天倪乃欣然捐已貲繡梓散施流通其惠濟之意如此則雨暘之應禱也宜哉雖然予有故人曾患鼓椎風往來寒熱數月伏枕諸藥不能療最后一醫士診之曰雖成痼疾而有客邪在少陽經未解若曾服五積散則誤矣詢之果然因

投小柴胡湯數服寒熱頓除却用本科追風丸等藥理其風證而全瘳矣夫雜病有方傷寒有法二者兼盡其道乃為良醫若以大方外科各專其一正恐或有所誤而不自知則又豈能全美乎此外科論證處方雖極其造理校於諸方為獨優在圓機之士臨證之時尤當加審焉洪武戊午九月朔日浚儀原陽子趙宜真序

外科序論

國史經籍志一卷

未見

亡名氏秘傳外科方

一卷

存

郭氏文才瘡科心要

二卷

未見

劉純曰純早年居淮南於陳復初契家齋堂得東原郭文才甫家傳瘡科心要二卷特行四方按法每擇用之多獲

奇效王機微義

王氏拳大河外科

二卷

存

王時槐序曰永樂中大河王拳得異人秘授精外科方密傳其子孫者六世効大顯世莫不知有大河外科者而其書顧益秘莫有傳代巡山泉吉公來按閩間出一帙槐得而觀之所論著多朴而不文徃徃務為臆澁重複雜以俚下之語豈其故為是欲以晦其指而終秘其傳耶然公昔年嘗患肩癱曰馬刀治不効久之得奇方立愈後數年乃見此書則向所謂奇方者在焉槐竊謂凡遣疾攝形之家固稱多術要在愛獲元氣勿令伐傷此其大指也大河外科為圖三十有六大抵皆險惡危怪之疾在庸醫且駭愕貽愕即徃徃下峻烈猛

毒之劑急攻其內，斬速効且夕，故一臂瘍肘癰而輒不救者，則伐元氣之過也。而此書附載諸方，多疏解消導，達支而衛本，此其所以為得歟。嗟夫，海隅塞外，異時羽書相聞，良足畏顧。驅除在機術，何如耳。而慎毋畢耗吾民力，此殆亦元氣之說而忠誠憂世，真為社稷計者，將必於大河有取哉。書故抄本，督屯憲僉黃君肱一見，謂宜廣其傳，遂相與請于公付梓云。

陶氏華癰疽神驗秘方

國史經籍志一卷

存

十段關

醫藏目錄一卷

未見

周氏文系外科集驗方

二卷

存

自序曰：醫一也，然有內外科之異者，蓋人之疾有內外故也。科既有內外，故古之專門者，各有方書以傳後世。第今之專於內者，則精其內而瘡科或有所遺；專於外者，精其外而方脈或有未諳。二者俱不能以無偏，夫惟仁者愛人之心深長。

而周密必欲兼之而後已弘治丙辰歲王殿下不以臣爲蒙
昧命臣於凡大方脈書內精選其方之經驗者區分類別且
論辨其下名曰醫方選要總一十卷以進內瘡科亦一帙焉
今年春睿意又以爲選要之集固足以爲內疾之療然人於
日用間莫不有飲食也亦莫不有喜怒也飲食不節喜怒不
常則未免致傷榮衛而瘡毒生焉其生也種類頗多茲瘡科
一帙烏足以盡療乎以故命臣重集外科方論務在較量之
也審簡拔之也精究其疾之源詳其藥之用以與選要配庶
不致有所偏廢臣於是尤有以仰知殿下仁愛及人之盛心
所謂深長而周密矣顧臣草茅學不足以明理醫不足以名

世凡庸膚淺務乎此而遺乎此者也曷克以稱上意邪雖然
膚命不敢不遵駕鈍不可不效是以忘其固陋集古名醫外
科諸書謹擇其藥與證對而隨患用巧者依選要條例裒成
二卷名曰外科集驗方上塵睿覽夫疾之愈不愈醫之良不
良係乎方之驗不驗也臣之所集雖妄以集驗名然亦管窺
蠡測勉強以應命耳若夫較量審而簡拔精究其源而詳其
用則臣豈敢弘治戊午歲秋九月吉日良醫副臣周文承稽
首謹序

興王序曰弘治丙辰令良醫周文承於大方脈書中已選其
方之驗且要者爲十卷名曰醫方選要而外科方畧之尚未

備也。迨今年春，仍令本官官於外科方書中集其方之奇驗者為二卷以進。吾覽之，見其考論精詳，處證不謬，深足定外科之關鍵，而開醫學之蒙昧也。因刻而廣之，俾天下之人凡嬰外之病而職外之科者，得是書以治之。雖未能繼古人之神妙，而篤廢龍蟄萬二可復之於全，生生之功，庶亦博哉。

許氏北禎外科集驗

未見

按右見于吳秀醫鏡序

韓氏秀楊梅瘡論治方

一卷

未見

韓愈曰：近時黥瘡亦以霞天膏入防風通聖散治，愈別著楊梅瘡論治方一卷，滇壺簡易方一紙，為遠近所傳，用者輒效。醫通

薛氏已外科心法

國史經籍志七卷

存

外科經驗方

國史經籍志一卷

存

癘瘍機要

國史經籍志三卷

存

外科發揮

八卷

存

外科樞要

四卷

存

汪氏機外科理例

明史八卷

存

自序曰外科者以其癰疽瘡瘍皆見于外故以外科名之然外科必本於內知乎內以求乎外其如視諸掌乎經曰膏粱之變足生大丁由膏粱蘊毒於內而生也又曰榮氣不從逆於肉理乃生癰腫是癰腫由榮氣逆于肉理之內而生也有諸中然後形諸外治外遺內所謂不揣其本而齊其末殆必已誤于人己尚不知人誤于己人亦不悟嗚呼己雖不知天必知之人雖不悟神必識之異日明受天責陰獲神譴不在于身則在于子孫矣予于是懼因輯此書名曰外科理例蓋

其中古人所論治無非理也。學者能依其例而推廣之于焉，而求古人不言之妙旨，庶幾小不悞已，大不悞人，抑有補於將來焉。輯已成編，復得新甫薛先生心法發揮讀之，觀其論治亦皆一本于理，而予竊喜暗與之合。于是復采其說參于其中，庶得以爲全書，而學者無復有遺憾矣。是爲序。嘉靖辛卯冬十一月長至日，祁門汪機識。

四庫全書提要曰：外科理例七卷，附方一卷，明汪機撰。是書成於嘉靖辛卯，凡分一百四十七類，又補遺七類，共爲一百五十四門。後附方一卷，凡一百五十六通。前有自序，其自理例者，謂古人所論治無非理，欲學者仿其例而推廣之也。大

旨主於調理元氣，先固根柢，不輕用寒涼攻利之劑，又分爲舍脈從證、舍證從脈及治之不應別求其故三例，用法通變亦異於膠執之談，惟措語拙澁，驟讀之或不了了，是其所短。然方技之書，不能責以文章之事，存而不論可矣。書中多引外科精要及朱震亨之論，又稱輯已成編，得新甫薛先生心法發揮，復採其說參於其中。考新甫爲薛己之字，己父鑑弘治時官大醫，則爲宏治正德間人。是書杖瘡門中記療治武宗時廷杖諫官事，則機在正德中早以醫名，二人同時而虛心從善，如是其持論平允，良亦有由也。

一卷

存

費宗序曰嘗論國政失則急於修省夷亂華則急於攘禦醫道內外科亦然御醫劉宗序已輯內科全方詳委而覈要而外科實並有關其重者關存亡死生其輕者關悔吝安危者也南京太醫院判薛立齋彙古方書目唐陸宣公編集良方李東垣十書及醫學正傳救世良方萬氏家抄等書茲以海上丹方為主採前書凡係於外科者彙而盈箱歷年餘爲之分門別類成篇醫無漏診診無漏證證無漏方便纖微疑似闡發明白一證也或逆境而憂憤成疾或順而嗜慾滋毒一

證也或寒暑鬱結於內或風露冒觸於外一證也或老穉之兩境或方域之各稟一證也或強弱之異質或勞逸之殊由圖其像則正人幾證側人幾證覆人幾證婦證童證瘋證歷歷條例無微不至不洞不啻秦越人與盧扁隔垣可見人疾病也者行是集也誠患家之針砭醫林之準繩其裨福斯民之功良不淺也乃知醫人治國理同事異國得出將入相如裴郭諸公治兼內外而寄之生生之任則金甌永固外侮消萌今下文闕

王氏伯學痔漏論

國史經籍志一卷

未見

楊氏得春瘡科通玄論

國史經籍志三卷

未見

白氏士偉中流一壺

世善堂書目一曰癰疽摘要

未見

徐中行序曰往余在武昌親見觀察毛公方壯疽發背屬有澤宮之役不登治以切病倅久之桃源白博士士偉蜀仕族

也三世病疽得禁方以起語云醫不三世不效豈謂是哉黔楚地故卑濕往往病疽而貴陽直指鄭公疽發於頸危甚徵博士治輒效至諸生編氓全治者以百數而大中丞阮公履楚旬日疽發于肩僉憲馮公亟遣博士往方行而問至馮公傷之乃藉其方布境內庶幾不脛而走四裔卽僻壤貧民猶然療治之耳夫人之所病病疾多醫之所病病道少使聖人預知微能使良醫得蚤從事則何恙不已哉博士以精博起諸生間王公大人莫不折節下之曩過武陵客省談十日自兵略象緯堪輿支離覆逆之數靡不中窺而尤深於養生之指其言曰易行周流誠信反覆則氣無壅而疽自不作豈倉

扁所謂治不疾稱聖儒者等邪若博士可謂近之矣余先君
東臯翁喜方術急人危厄甚於己私設先君在布笑當不後
矣乃更置其中流一壺示急也而泫然授梓用承先志云
天目先生集

儒醫選要

醫藏目錄一卷

未見

龔氏廷賢復明眼方外科神驗全方

六卷

未見

許氏孫瘡科方論

一卷

未見

按右見于萊竹堂書目

申氏拱辰外科啓玄

十二卷

存

申五常跋曰宗兄斗垣公出一編名外科啓玄不佞弟手是
編而卒業論凡一伯二十有奇毒發類凡二百三十有奇方
凡一十有奇析為十二卷合為一編不欲緘藏肘後行且壽

剖劖氏以公之九圍千禩蓋欲登世世於壽域公之陰行善使學醫者矚用仁心何深擊哉不但術貴藥而已

王氏肯堂瘍醫準繩

六卷

存

自序曰周禮天官冢宰之屬有疾醫瘍醫內外科之分久矣疾醫中士八人瘍醫下士八人重內輕外自古已然然未有不精乎內而能治外者也疾醫之所不能生者於父母遺體猶得全而歸之而瘍醫不然至於爛筋骨潰肌肉見藏府而後終焉故疾病於人唯疔瘍最慘而世顧輕之何哉乃世之

瘍醫明經絡諳方藥而不嗜利唯以活人爲心者千百無一也其見輕固宜然不曰并自輕其命耶余童而習岐黃之術弱冠而治女弟之乳瘍虞翁之附骨瘍皆起白骨而肉之未嘗有所師受以爲外科易易耳欲得聰明有志者指授之使爲瘍醫而竟無有故集先代名醫方論融以獨得而成是編與世專科書圖人形列方藥詔爲秘傳者萬萬不佞能熟而玩神而明之可以名世矣余旣以便差還故山例得支俸受之則不安辭之則立異乃以付梓人逾期而後竣事於是諸科分證用藥之書畧備天孰使余竊祿於朝而又得優遊編葺以行於世豈非聖主之賜也歟萬曆三十六年歲在戊申

七夕微雨作涼金壇王肯堂奢懶軒下書

亡名氏瘍醫會要

醫藏目錄二卷

未見

外科鈔錄

醫藏目錄卷闕

未見

外科方論

醫藏目錄卷闕

未見

陳氏實功外科正宗

醫藏目錄四卷

存

自序曰歷下李滄溟先生嘗謂醫之別內外也治外較難于治內何者內之症或不及其外外之症則必根于其內也此而不得其方膏俞之疾亦膏肓之莫救矣迺今古治外者豈少良法神術哉或緣禁忌而秘于傳或又蹈襲久而傳之訛即無所訛而其法術未該其全百千萬症局于數方以之療常症且不免束手設以異症當之則病者其何冀焉余少白即研精此業內主以治人心而外悉諸刀圭之法歷四十餘

年心習方目習症或常或異輒應手而愈雖微及岐黃之靈
肉骨而生死不無小補于人間自叩之靈臺則其思慮至竭
矣既念余不過方技中一人耳此業終吾之身施亦有限人
之好善誰不如我可不一廣其傳而董韜之肘後乎于是賈
其餘力合外科諸症分門逐類統以論系以歌散以法則微
至疔癰亦所不遺而論之下從以註見陰陽虛實之元委也
方之下括以四語見君臣佐使之調停也圖形之後又綴以
瘡名十律見病不可猜藥石之不可亂投也它若鍼灸若炮
煉若五戒十要造孽報病之說不啻詳哉其言之也余心其
益燠矣集既成付之梓名曰外科正宗既而攬鏡自照鬚鬢

已白歷下所云治外較難于治內庶幾識余之苦心哉里中
顧比部諸君似亦嘉余之有裨于世各褒以言而并其端余
則惶悚遜謝曰韓伯休名根未剗耶第諸君且褒余余敢不
益廣諸君意謹唯命而以是公之養生家昔萬曆丁巳之秋七
月既望東海陳實功謹識

范鳳翼序畧曰吾里若虛陳君少遇異人授以刀圭之
術既後乃遂肆力於醫醫輒精即奇瘍怪證一觀輒拈指
按以半匕無不立加而愈雖有厚毒攻中陷胸洞脇
萬無生理者亦必計日以瘥心手之間若有神與存
焉矣又慷慨重然諾仁愛不矜不張言灾禍以傷人

之心不虛高氣岸以難人之請不多言誇嚴以鉤人之賄不厚求拜謝以殖己之私然久之而家顧益饒乃以間行斥千金構祠以祠醫王及先代之良於醫者已復分火粥飢蠲樽瘞骼好行其德於鄉歷數十年不倦已復念龍宮之秘久混於凡方而青囊之書竟不傳于世則又哀刻其生平已效之醫案題曰外科正宗

龍英氏居中外科百効全書

六卷

存

陳氏文治

瘍科選粹

彭宗孟序作瘍科秘旨

醫藏目錄八卷

存

按醫藏目錄舊作陳鶴溪考彭宗孟序許禧允例當作嶽谿蓋文治別號也

鄭氏汝煒外科宗要

未見

武進縣志曰鄭汝煒字明甫宛陵世曾從居武進精岐黃尤以刀圭擅長每遇危險諸證汝煒至立起有華元化之風前授太醫院官後隱跡懸壺垂六十年全活甚衆人皆德之年

八十卒所著有外科宗要授子文起續纂行世
亡名氏秘傳外科經驗良方

一卷

存

按是書附刻于徐用和加減十三方後卷末有萬曆新

歲穀旦鄭繼華梓木記

盧氏萬鍾醫說佛乘

一卷

存

自序曰不佞韶年學屠龍業未竟其志隳冠而先慈恙篤思

忠未若孝也遂廢儒而事醫為窮素書往帙採近名藝方迄
今四十年華神力罄竭諸病雖獲其奇摠之不外程式獨癰
疽梅毒咽喉急證數種異方卓然不伍真不啻夜光之珠者
每每修合濟衆隨在必施隨手奏效昨奉委抵荆治人之念
未輟而求濟者如市庶務甚繁藥難驟製轉而籌之藥之濟
人有限方之濟世無窮私一己心不為世世作津梁也敬將
萬舉萬全之秘屢試屢効之奇序成短列以誌不朽願同志
者毋鄙其淺近忽之幸甚天啓丙寅孟冬日覺遲子仁和盧
萬鍾書

劉威序曰嘗論之人世之所以奉佛為其大慈悲乃癰疽之

在人身不啻河鼻瘡痍之繫人體不啻桎梏良醫一劑去之
雖大士揚枝亦能有如此顯應哉顧乃奉泥鬼而忘活佛則
大可笑矣盧君者今世之活佛也人每覲面失之愚方欲廣
佈津梁濟渡衆生而無其術同君使盧君上乘妙法不公於
世耶則書成而名以佛乘於重得之矣顧良醫作之而庸醫
習之鮮不害事萬一得其粗而忘其精反罪盧君能殺人
哉因骨以挾髓由皮以達神是在善用者勿蹈讀書之覆車
可也故梓之而復弁其首

岳氏甫嘉外科樞要良方

未見

按右見于醫學正印種子編附記

李氏仲梓外科點化

未見

按

陳氏司成徽瘡秘錄

一卷

存

自序曰往余弱冠時與友人某某者同試虎林彼押邪青樓
而余畏不敢從以余為迂也北歸未幾友臥病心知有所中
也不敢彰其言私倩余商確余發先王父遺書及檢各家秘

搜合治之。廼瘡居無何，余食貧而家且圯，遂棄去經生業。長桑君之術，於是披素難究。鍼經老人帶下嬰兒三科，靡不博涉。既而浪遊三吳間，參訪遇有刺病，則搜竒剔怪以療之。今卅年矣，無藥不愈。更見公子王孫，一犯其毒，終爲廢疾。嗟嗟方書不言，言亦不悉。余甚愍之，因察氣運天時，病原傳染，嗜好爰及，或問治驗方法，類成一帙，名曰徽瘡秘錄。非敢以立言自任，聊補前人所未發耳。幸高明者不鄙而承之。宗禎壬申秋九月重九日，海寧陳司成九韶甫題。

王氏大論外科纂要經驗良方
三卷

存

祁氏坤外科大成

四卷

存

祁坤跋曰：醫自軒岐而始，原無內外科之分。蓋緣本於運氣之有司，天有主客，如臨之遷迭，藏腑之有虛實，則有溢勝鬱復之乖變，用藥之有氣味，則有逆從反正之權衡。是醫者一也。至於唐宋之間，分立一十三科，意在學難盡述，使人各治一科。如水陸之殊途矣。瘡瘍雖曰外科，而其本必根於內。且多針灸去腐完肌之技，似治外較難於治內耶。近之世重

內而輕外者由近之醫棄內而治外是捨本而從末也予暇
中殫精採掇參素問靈樞之奧旨蒐古今名賢之確論彙為
一書名曰外科大成直陳本末一目了然猶星辰之有躔度
河漢之有源流庶不致輕人命於草菅焉今大成梓完尚有
內科證治粗評相繼鐫發因書予平昔之所見者著之云爾
愧菴生陽子祁坤跋

祁宏源序曰源家世山陰習儒學自家忠敏公殉前明難後
業醫先王父廣生公幼敏悟通儒書諸子旁流靡不詳究其
義更以外科醫世鮮精者尤加考求冥搜幽索遂盡其奧
膺世祖章皇帝召以御醫侍值內庭先王父性謹慎自重聖

祖仁皇帝尤嘉之信賜與優渥累擢太醫院判官遇休沐兀
坐一室先大人昭遠公與諸伯叔侍環列惟醫家書發疑問
難校讐折衷隆冬盛暑常丙夜乃命就寢在直廬或中夜有
得必索火記之會丁魯王母憂家居更簡練揣摩訂為書類
之曰外科大成凡四卷部類三十有二鏡而藏其板於家是
時先大人亦以御醫侍值內庭性實公慎歷事聖祖仁皇帝
世宗憲皇帝兩朝恩眷特殊贈太醫院判官憶源方垂髫先
大人即以大成課源兄弟而家兄弘濤早世李弟國興成戊
成進士乃心王事又不果卒業先大人嘗訓源曰嗣我家學
者其惟女子源不肖惟恐不克仰承用是黽勉不敢自逸於

今五十餘年乾隆己未冬今上諭太醫院判官吳謙等纂醫宗金鑑一書以源世外科醫欽命纂脩源識謏學陋何所與能惟竊取先王父大成之意旨而敷揚之耳而謬叨優錄感愧交并嗟夫醫者意也意之所之死生繫焉矧外科之六脉三因陰陽善惡端雜緒紛棗栗不辨有失之尺丈而不知者是編也義晰辭明字釋句解部分類別領挈綱提瘡瘍之微者無不載方法之善者無不備集曰大成洵可謂集外科之大成也與源年屆七旬兩兒邦相邦柱俱篤鈍深懼先業失傳緣命坊人印行海內非特業是科者有所式循庶幾先王父之精神學問亦不至湮沒云爾時乾隆歲次癸亥秋七月

既望孫男宏源敬識

何氏鎮瘡瘍濟生論

未見

按右見于本草綱目必讀類纂

釋氏傳傑

明醫諸風癘瘍全書指掌

六卷

存

自引曰慧愚超躋等級懸殊為僧而果能練性依空安禪開悟去來生死脫然無礙者蓋其難之兼能識岸俱消身田無相一意於渡迷拔諸苦真實不虛亦非易事勿然而閉門飲

食私心獨了茅簷隙竇兀自沈倫又非覺王遺旨勿然而影
現規儀蹒跚世法臨深加少妙舌縱橫已布地獄種子勿然
而四聲五絃丹青黑白誇矜技絕不異優孟衣冠山河大地
浮浪何堪然則人亦何苦而為僧而有不得不為僧之時之
勢又適有可以為僧之符之根則三十年來余之幻寄是已余
本上虞蘭亭成氏十齡而失怙恃依兄習學稍長而嗜經文
遇師歸戒乙酉昂沸家口流離漂泊江南隻影顛沛嗣後鄉
邑親知雖間通音問而空門之願失誓已決遂投澄江智文
師為余削除遺命與師兄寅白相依為伴尋亦謝世險危
孤沉獨余為甚謬生天地未執君親因思好生之德無過於

醫而癘瘍一證備諸疾苦早年即留心此學蒐羅醫典諮訪
同術竊以博而不精不若早而取效既得凡散之方於智文
先師復得針刺之法於金溪子宜林先生朝夕研思揣今訂
古心手相隨漸臻神境意者如來之啓迪俾余得展布心神
遐通慧願以迄有成未可知也歲月既久積稿成編大抵診
脈察色以知其人之表裏虛實審音核證以悉其病之寒熱
經絡用針刺以去其毒血施湯散以導其邪風內以拔藏腑
之根原則劑有先後外以敷瘡瘍之腫潰則法分輕重直至
氣血和通膚肉完好病根盡除永不復發無礙生育不留班
痕咸稱美善庶幾癘瘍一證不致醫者畏難而束手患者苟

安而殞命亦覺王救世之一快事也。今余寓錫之陡門萬壽菴，市囂不接，生趣悠然。謹將平生累用累驗諸法與方和盤托出，公諸海內，不負先師衣鉢。破除一切私吝，遐邇抄騰，愧非帳秘而擅善助梓。冀以流通，但余性稟下根，學力又淺，句詞不文，義理未洽。災梨之誦，其能免乎？尚懇當世賢哲大方，惠垂教削，則幸甚。康熙歲在乙卯桂月，既望，曹溪釋氏子木傳傑謹識。

金氏壘珂

外科精微

未見

按右見于錢塘縣志

陳氏士鐸 洞天奧旨

十六卷

存

自序曰：醫不窮理，不可談醫藥；不執方，不可用藥。以醫藥之難精也，鐸性刀圭，然而獲效者半，每致嘆於無師也。康熙丁卯秋，遇岐伯天師於燕市者五閱月，凡藏府經絡、陰陽色脈、氣血煩逆、邪正虛實、寒熱異同，罔不盡。無隱且遍傳方術，試之多奇驗。鐸信師之深，退著述，若素問、若靈樞、若六氣新編、若辨證錄，俱已告竣。計八有奇，亦可謂書之富矣。癸亥冬，再遊燕市，所遇者皆瘡瘍壞證，鐸執方療之，病家

懷疑棄而不用及信任世醫刀鍼割裂變出非常復以瑣細輕劑救援卒至死已不悟鐸痛憫久之因再著茲編名曰洞天奧旨談醫用藥無非本諸洞天之傳也又慮證多方畧附祖父家傳採古今驗方列於後無證不備無方不神總不忍夫千百世人因瘡瘍而大喪也或曰子著述甚富靈素之書窮理甚晰又傳外科毋乃太多難執乎鐸謝之曰靈素之談瘡瘍僅論營氣不調耳未嘗遍傳方法也且瘡瘍之論非一二言可罄其證實多其變寔異而其禍實大病已成而後藥之必非輕小劑可藥也亂已成而後治之必非因循常法可治也今世治瘡瘍者不姑息養癰必鹵莽嘗試害相等也

而其咎本乎不學然而學亦非易天下讀外科者比比也往往用之敗績因傳書術之未可師也鐸之書術傳諸洞天之師其理淵微其方秘奧即問採家傳世傳之方百試百驗可信可師傳之千百世而無悞者也或又曰古人治瘡瘍者多用刀鍼成名吾子醫精究理藥善執方何獨刀鍼畧之吾恐子有師而無師也嗟乎鐸豈無師者哉瘡瘍之尚刀鍼者古人不得已而用之蓋瘡瘍宜急治而不可少緩宜重治而不可過輕治之早且重則毒且盡散毒散則肌肉頓生何必尚刀鍼乎凡用刀鍼者此救敗之法也天師所最忌故方中無傳鐸誠未備採前代名醫用刀鍼之法入之以佐諸方之

不逮然尚割肉損皮無神方以輔之未有不顛沛故也是刀
鍼可以救敗而不可以成功何若專用驗方轉敗尤速而取
勝更神萬無一失之爲得乎然則鐸之窮理執方乃善於得
師也書成因弁之首山陰陳士鐸字敬之號遠公別號朱華
子題于燕市時康熙甲戌仲冬望後三日

程氏國彭 外科十法

一卷

存

自序曰外科十法者予歸宗普陀時所作也予自普陀生長
天都五十有三載業醫者凡三十年爰著醫學心悟一書詳

言內證梓行於世而外科有未及壬子冬還歸普陀修行適
逢聖天子廣發帑金修葺我菩薩行宮前後寺僧及工作人
等不下數千人其中病患不一予爲調治悉痊復有患背疽
者有患臙瘡癰癬者投以膏散不半月而收功因思予在天
都時僅著內科而未及外科亦一時之闕略也乃復會聚精
神參悟外科旨要約以十法而施治之道以無餘蘊言簡而
該方約而效以之問世庶幾其有小補乎新安江子耀舟見
是書而深喜之遂捐貲付之剞劂將見十法一書當與前醫
學心悟並行於天壤間也皆雍正癸丑孟夏月吉且歸宗普
陀善財國彭自序

王氏維德外科證治全生前集

三卷

存

自序曰明劉誠意伯言藥不對證枉死者多余曾祖若谷公
秘集云癰疽無一死證而諸書所載患生何處病屬何經治
乳岩而用羚羊犀角治橫痃而用生地防己治瘰癧惡核而
用夏枯連翹槩不論陰虛陽實惟以引經藥陪以致乳岩橫
痃成功不救瘰癧惡核潰久成怯全不悔引經之藥悞反誨
言白疽百人百可致泉鄉夫紅癰乃陽實之證氣血熱而
毒滯白疽乃陰虛之證氣血寒而毒凝二者以開腠裏為要

腠裏開紅癰解毒止痛即消白疽解寒化凝立愈若憑經而
失證治者藥之對經而實背證也世之患陰疽而斃命者豈
乏人乎如以陰虛陽實別治癰疽無究証之語確矣余曾祖
留心此道以臨危救治之方大患初起立消之藥一一筆之
於書為傳家珍寶余幼讀之與世諸書治法迥別歷證四十
餘年臨危者救之初起者消之疼痛癢極者止之潰爛不堪
者斂之百治百靈萬無一失因思癰疽憑經竝治久適天下
分別陰陽爾治惟余一家且余之治止於村境若遍通邑分
身無術偶聞枉死無不痛惜特以祖遺之秘自己臨證并藥
到病愈之方精製藥石之法和盤托出盡登是集并序而梓

之以質諸世之留心救人者依方修合依法修製依證用藥
庶免枉死使天下後世知癘疽果無死證云爾嘗乾隆五年
歲在庚申仲春朔日林屋王維德洪緒氏書

外科證治全生後集

三卷

存

顧氏澄瘍醫大全

四十卷

存

自序曰澄生逢堯舜之世身為太平之民每念聖天子宵旰

勤勞惟恐四海臣民有纖艾之苦御極之始即下詔徵方彙
輯御纂醫宗金鑑頒發中外使窮鄉僻壤凡有疾痛皆得
檢方施治沈疴立起而各省上憲又復仰體聖慈每歲自捐
清俸開設藥局以濟貧病其愛民如子可謂至周極備矣澄
本一以布衣賦性迂拙聖賢之書讀而未竟業醫自贍碌碌
無聞因思身體髮膚受之父母安居樂業悉出皇仁而君父
之恩無由報稱是以診視之暇不憚精神勞悴搜括古今名
醫確論首標內經義旨宣明脈法元微詳分經絡穴道彙集
內景證形上自巔頂下至湧泉凡涉外證者繪圖立說按證
立方諸如湯火刀傷刑杖跌撲獸傷蟲咬誤吞藥石毒物五

絕解救之法自今古成方之外又益以先祖寧華公先父青巖公家藏經驗諸方別類分門計四十卷名之曰瘍醫大全俾患者咸知瘍必有名醫必有法按圖施治經絡分明初起期其必消已成必其易潰已潰速其易斂使人間無破漏之危更可免釀癰之患况所備諸方悉俱養正驅邪調衛和榮雖云小道利濟匪輕斯書纂輯閱三十寒暑因囊橐空懸未獲授梓今緣兩淮同人慨為捐資始付棗梨以成此志爰述綴輯原委并之簡端以見成之允非偶然云乾隆二十五年歲次庚辰孟夏靜齋顧澄練江書

馮氏非張外科精要

未見

按右見于錦囊秘錄

醫籍考卷七十一

小笠原隆信抄寫

